

Ako je halal, onda ga podržite

<"xml encoding="UTF-8?">

Složite se s muževim zanimanjem

Svako ima zanimanje, a zanimanja su različita. Na primjer, šofer koji je uglavnom na putu i nije u mogućnosti da dolazi kući svake noći, policajac koji mora ostati vani poneku noć, doktor koji ima malo vremena za boravak u porodici, predavač ili naučnik koji provede čitajući veliki dio noći, mehaničar čija je odjeća prljava i osjeti se na ulje, radnik u fabrici koji radi noću. Stoga, rijetki su poslovi koji su potpuno podesni i ne iziskuju neko žrtvovanje porodice. Ne postoji nikakav drugi način da se pošteno zaradi za život osim rada. Neophodno je da se muškarci izbore sa teškoćama posla. Međutim, postoji drugi problem, a to su pritužbe porodice. Žene obično žele da su im muževi u blizini i vole da budu u kući kada se smrači. Žene žele da njihovi muževi imaju pošten posao i visoku platu. Žele da oni imaju dovoljno vremena za večernje izlaske. Ali, na nesreću, poslovi većine muškaraca ne ispunjavaju očekivanja svojih žena, a ovo je, za neke porodice, izvor svađa i rasprava. Vozač koji je bio na putu nekoliko noći, koji nije pošteno spavao i nije redovno objedovao, dolazi u svoju kuću da se odmori i nađe mir i utjehu u svojoj porodici. Tada njegova žena, ne čekajući ni trena, započne s primjedbama: "Kakav je ovo život? Zašto si me ostavio s ovom djecom i gdje si bio? Sve poslove moram da uradim sama zato što ti nisi ovdje da mi pomogneš. Sita sam ove neposlušne djece. Pravo da ti kažem, vožnja nije dobar posao. Morat ćeš, ili da promijeniš svoj posao, ili da se obračunaš sa mnom. Ne mogu više da živim ovako!" Ne može se očekivati od jednog vozača koji ima ovakvu ženu da obavlja dobro svoj posao, a to može da ugrozi njegov život i živote onih koje prevozi. Doktor koji od jutra do mraka obide na desetine pacijenata ne može trpjeti gundžanje svoje žene. Kako bi on u tom slučaju mogao da nastavi s ljekarskom praksom. Radnik koji radi u noćnoj smjeni ne može s oduševljenjem obavljati svoj posao ako mu je supruga svadljiva. Kako može naučnik biti uspješan u svom istraživanju, ako mu njegova žena neprestalno zanovijeta? Ovo su testovi .koji prave razliku između mudrih i neukih žena

Draga hanuma! Ne možemo stvoriti svijet prema svojim željama, ali se možemo prilagoditi postojećoj situaciji. Vaš muž treba da ima posao da bi obezbijedio život svojoj porodici. Njegov posao ima određene uvjete kojima se vi morate prilagoditi. Morate planirati svoj porodični život u skladu s njegovim poslom. Zašto mu zamjerate i tražite mahane u njegovom poslu?

Dočekajte ga vedrog lica i budite ljubazni prema njemu. Budite mudre i trpite njegov posao. Ako vam je muž vozač, koji je uglavnom na putu, onda shvatite da se on trudi da donese novac u kuću radi vas i vaše djece. Nema ničeg lošeg u njegovom poslu. On je član društva i služi mu na način na koji to najbolje zna. Zar bi bilo bolje da je on lijena osoba ili da se bavi poslom nedozvoljenim po vjeri? Dakle, sve je u redu s njim. Krivica leži u vama, jer očekujete od njega da svaku noć provodi u kući i niste u stanju, ili ne želite da se prilagodite postojećim uvjetima. Zar nije mudro naviknuti se na postojeću situaciju i živjeti komotnije? Zar ga ne bi radije dočekali vedrog lica i motivisali ga da obavlja svoj posao sa srdačnim "Allahimanet" kada krene od kuće na posao? Kad bi se ponašale ljubazno, njegov interes za porodicu bi porastao i mogao bi raditi marljivije. On se ne bi izolovao od vas, dolazio bi kući što je moguće ranije, ne bi imao nezgoda i ostao bi zdravog morala. Ako vaš muž radi noćnu smjenu, on se odriče zdravog noćnog sna kako bi podmirio troškove svoje porodice. Pokušajte da se naviknete na to i ne izražavajte svoje nezadovoljstvo. Ako se dosađujete, onda možete uraditi neki kućni posao, šiti ili čitati noću. Ujutro pripremite doručak kada vam se muž vrati s posla, a zatim mu pripremite postelju na mirnom mjestu. Umirite djecu i naučite ih da ne uznemiravaju oca kada se odmara. Možete čak manje spavati noću i odmarati se uz svog supruga danju. Ali, ne zaboravite da je bio budan cijelu noć i da mu spavanje po danu predstavlja isto što i vama spavanje po noći. Žene u ovakvoj situaciji moraju imati dva rasporeda, jedan za sebe, a jedan za svog muža. Ako je vaš muž vozač, doktor, radnik ili naučnik itd, morate biti ponosni na njega. Vaš muž nije besposlena danguba i ne bavi se nezak-onitim poslom. Zato ga poštuju i pokažite svoju zahvalnost. Ne očekujte i na tražite od njega da napusti svoj posao, nego se pokušajte prilagoditi postojećem. Ako čita ili izučava neku oblast, ne uznemiravajte ga. Možete raditi kućne poslove, čitati knjigu ili, uz nje-govu dozvolu, otići i posjetiti svoje prijatelje ili rođake. Ali, kada se on odmara nastojte da budete u kući. Pripremite mu jelo i ostalo što traži. Dočekajte svog muža nasmijanog lica i na lijep način, iskazujući mu svoju ljubaznost i udovoljavajući mu, možete mu pomoći da zaboravi na umor. Ako ste dobra supruga, onda ne samo da možete ubrzati njegovo unapređenje, nego, također, doprinosite njegovom služenju društvu. Ne zaslužuje svaka žena ovako marljivog muškarca. Zato dobrim ponašanjem i žrtvovanjem, dokažite da ste dostojni njega. Ako posao vašeg muža zahtijeva od njega da nosi specijalnu odjeću koja se prlja, onda je često operite. Ne gundajte i ne obraćajte mu se grubo zbog posla. Ne zahtijevajte od njega da mijenja svoj posao. Nije jednostavno promijeniti posao. Šta je lose u zvanju mehaničara? U svakom slučaju, ovo nije važan problem i porodice se ne smiju osvrutati na to, jer u svakoj halal zaradi je spas imetka i života na oba svijeta. "Žena je rekla sudiji u sudnici da je posao njenog muža prodaja kerozina i da je on uvijek smrdio, te da

".se, ona zasitila takve situacije